

COMUNICATO n. 2048 del 09/07/2026

In di mǎnat von höbiat un snitt atz Lusérn, 3 trèff vor di khindar von 6 atti 12 djar

“Spiln azpe biar: giochiamo insieme usando la lingua cimbra”: ‘z hefta å dar naüge kurs azpe biar vor di khindar

[Cimbro] Lirnen di zung antǎnto azma spilt un steat pittnǎndar, khennante o da zimbar kultúr. Ditza iz bazta vürkhint in da naüge bèrkstatt von Kulturinstitut Lusérn / Museo Lusérn pinn titl “Spiln azpe biar: spilbar pittnǎndar nützante da zimbarzung”, vor di khindar von 6 atti 12 djar.

An okkasióng zo nemprase dar mindarhaitzung pinn spil, pittar kreativitétt un vil åndarz, inan umbèlt boma mage lirnen un hǎm a lustega zait. Naüge börtar, stòrdje un naügez zo darvéra bartn vüarn, bemda nimp toal, inan perkùrs boda di zung bart khemmen eppaz lente un boda alle mang vorstian. Di gröazarstn bartn machan di aktivitétt pittar maistra un di khlümmanarstn, untar di 6 djar o, bartn mang spiln un machan èrbatla in a kantóüle pensàrt pròpio vor ditza.

“Balda dar zil iz nèt lai lirnen ma spiln o - khütta di Anna Nicolussi Neff, kultùrabatar von Kulturinstitut - khintz destrat un ringar lirnen vor ‘z khinn. Di zung khint neméar vür lai azpe daz sèll boma mocht lirnen, ma azpe an strumént boma mage nützan z’spila, zo reda un z’stiana pittnǎndar. Azma lirnt asó di börtar stian lengar in hirn.”

Di trèff bartn soin an erta, atz 14 von höbiat, atz 4 un atz 25 von snitt, vo di viare fin di vünfe in tages in Kulturinstitut Lusérn. Ma mocht nicht zaln vor di bèrkstatt, tüat innschraimse rüavante å in 0464789645 odar schraibante dar mail anna.nicolussineff@kil.lusern.it.

Di bèrkstatt soin pensàrt vor di lusérnar un vor di lusérnar vo vort. Di khindar mochan soin pinn eltarn.

Übarsetzt von Kulturinstitut Lusérn

(eng)